



KOMUNIKADO PA PRENSA

Fecha

31 di yüli 2014

Account Manager

Jhanirha Anita

Email

jhanirha.anita@gobiernu.cw

Nr.

PREPARASHONNAN PA DI 5 PAN AMERICAN AVIATION SUMMIT AKI NA KÒRSOU

Willemstad – E siman aki Direktor Ehekutivo di ALTA, sr. Eduardo Iglesias i su Direktor di Merkadeo dr. Alberto Cortes, a reuní ku representante nan di Outoridat di Aviashon Sivil Kòrsou, InselAir, Curaçao Airport Partners, CTB, Marriott i otro organisashonnan pa informá di e preparashonnan i kordiná un ke otro pa e di 5 Pan American Aviation Safety Summit i e di 7 reunion anual di e Grupo Regional Pan Amerikano pa Seguridat di aviashon (RASG-PA).

Kòrsou tin e honor di por ta anfitrión den e siman di 8 pa 12 di Sèptèmber awor, pa e konferensha i reunion grandi aki riba tereno di aviashon ku ta tuma lugá e aña aki na Curaçao Marriott Beach Resort & Emerald Casino.

Organisashon di e konferensha ta na enkargo di e Asosashon di Transporte Aéreo pa Latino América i Caribe (ALTA). Miéntas Ministerio di Tráfiko, Transporte i Planifikashon Urbano, Curaçao Tourism Board (CTB) i InselAir ta para firme tras di e evento aki, ku ta bai trese mas di 200 persona di alto rango den seguridat di aviashon pa e isla. E ta un oportunidat di promoshon i eksposishon úniko di Kòrsou komo destinashon pa vakashon i/o pa hasi negoshi. E evento lo diskutí tambe riba kon pa mitiga riesgo den América pa hasi aviashon mas sigur i mas eficiente, di kual na final ta tantu e pasahero komo e industria lo benefisiá for di dje.

Airline nan ku ya a konfirmá nan presensia ta entre otro Aerolíneas Argentinas, AeroMexico, Austral, Avianca, Cayman Airways, Copa Airlines, Fly Montserrat, GOL, Inselair, JetBlue, LAN, TAM, Liat, Sky Airline, Southwest, Tame, i Volaris. Ademas di airline nan lo tin tambe representante nan di airopuertonan den region, representante nan di outoridat di aviashon di region, representante nan di Federal Aviation Administration (FAA), IATA, Direktor Regional i Sekretario General di e organisashon internacional di aviashon sivil (ICAO), i representante nan di fábrica nan di avion manera BOEING, AIRBUS i EMBRAER.

E konferensha importante ta representá mas di e esfuersonan ku Ministerio di Trafiko, Transport i Planifikashon Urbano huntu ku Minister Balborda ta hasi pa krese Kòrsou su presensia i promové den e mundu di Transporte Aéreo Internashonal, ku impakto positivo pa ekonomia tambe.